

ՀՈՒՇԱԳԻՐ

**ՀՀ ԱԶԳԱՅԻՆ ԺՈՂՈՎԻ ՏՆՏԵՍԱԿԱՆ
ՀԱՐՑԵՐԻ ՄՇՏԱԿԱՆ ՀԱՆՁՆԱԺՈՂՈՎԻՆ**

ԿԻՑ

**ՓՈՔՐ ԵՎ ՄԻՋԻՆ ՁԵՌՆԱՐԿԱՏԻՐՈՒԹՅԱՆ ԵՐԿԽՈՍՈՒԹՅԱՆ ՀԱՐԹԱԿ ՍՏԵՂԾԵԼՈՒ
ՄԱՍԻՆ**

15 Փետրվար 2019թ

ք. Երևան

ՀՀ ԱԺ տնտեսական հարցերի մշտական հանձնաժողովը (այսուհետ Հանձնաժողով), մի կողմից և փոքր և միջին ձեռնարկատիրության (այսուհետ ՓՄՁ) շահերը ներկայացնող հասարակական կազմակերպությունների և առևտրաընկերության պալատ(ների) ներկայացուցիչները, մյուս կողմից (այսուհետ գործարար շահերի կառույցներ՝ ԳՇԿ-ներ)՝


կարևորելով Հայաստանի Հանրապետությունում գործարար միջավայրի բարելավմանն ուղղված քաղաքականությունը,

նպատակ ունենալով ապահովել ՓՄՁ-ների համար գործարար միջավայրի բարելավման հարցերով օրենսդիր մարմնի և գործարար համայնքի արդյունավետ երկխոսությունը, համաձայնեցին հետևյալի մասին.

1. Ստեղծել Հանձնաժողովին կից ՓՄՁ-ների միջև երկխոսությունն ապահովող ՓՄՁ երկխոսության հարթակ (այսուհետ՝ Հարթակ):
2. Հարթակը՝ խորհրդակցական, անկախ երկխոսության հարթակ է, որի անդամ հանդիսացող ԳՇԿ ներկայացուցիչներն անդամագրվում և ընդգրկվում են Հարթակի կազմում կամավորության սկզբունքով:
3. ԳՇԿ ներկայացուցիչներն իրենց պատրաստակամությունն են հայտնում աջակցելու Հանձնաժողով-ՓՄՁ երկխոսությունն ապահովելու, Հարթակի քննարկմանը ներկայացված օրենսդրական նախագծերի շուրջ հանրային կարծիք ձևավորելու, օրենսդրական փոփոխությունների առաջարկներ ներկայացնելու հարցերում:
4. Հարթակի աշխատակարգը և կանոնադրությունը, Հանձնաժողովի նախագահի հաստատմանն է ներայացվում սույն Հուշագիրը ստորագրած ԳՇԿ -ների ներկայացուցիչների կողմից:

5. Հարթակն իր աշխատանքներն իրականացնում է նսիտեր գումարելու միջոցով, համաձայն Հարթակի կանոնադրության և աշխատակարգի:
6. Սույն Հարթակի ստորագրմանը միանում են Հայաստանի Հանրապետությունում գործունեություն ծավալող գործարար շահերը ներկայացնող այն ԳՇԿ-ները, որոնք բավարարում են ստորև թվարկված չափորոշիչներին.
- Հայաստանի Հանրապետությունում գործունեություն ծավալող ձեռնարկատերերի կամ ձեռնարկությունների անդամության վրա հիմնված կազմակերպություններ են, կամ դրանց կոալիցիա,
 - Վերջին երեք տարիներին ծավալել են ակտիվ գործունեություն, հրավիրել են տարեկան համագումարներ, ժողովներ իրենց անդամ կազմակերպությունների կամ դրանց ներկայացուցիչների մասնակցությամբ,
 - Կազմակերպությունների կամ դրանց կոալիցիայի կազմում ընդգրկված կազմակերպությունների անդամների առնվազն 1/3-ը ՓՄՁ ներկայացուցիչներ են,
 - Սույն Հուշագրի ստորագրման պահին կազմակերպության կամ կոալիցիայի կազմում ընդգրկված կազմակերպություններին անդամագրված է առնվազն 50 ձեռնարկություն կամ դրանց ներկայացուցիչներ:
7. Սույն Հուշագիրը ստորագրած ԳՇԿ-ները լիազորում են «ՓՄՁ Համագործակցության Ասոցիացիա» ՀԿ-ին, սույն Հուշագրի ստորագրումից հետո հնգօրյա ժամկետում Հանձնաժողովի նախագահի հաստատմանը ներկայացնել Հարթակի՝
- կանոնադրությունը,
 - անդամների ընտրության կարգը,
 - աշխատակարգը:
8. Հարթակին անդամագրվելը կամավոր է և անդամագրվել կարող են այդ մասին ցանկության հայտնած ԳՇԿ-ները: Անդամագրման կարգը և չափանիշները կսահմանվեն Հարթակի կանոնադրությամբ: Հարթակի անդամ հանդիսացող ԳՇԿ-ների թիվը չի կարող ավել լինել քան Հանձնաժողովի անդամ հանդիսացող պատգամավորների թիվը:
9. Հարթակի հիմնադիր անդամ ԳՇԿ-ների հրավերով, Հարթակի քարտուղարության աշխատանքներին տեխնիկական աջակցությունն ապահովում է ՎԶԵԲ «Գործարարության աջակցման գրասենյակը»:
10. Հարթակի քարտուղարությունը ստանձնում է «ՓՄՁ Համագործակցության Ասոցիացիա» ՀԿ-նո, որի աշխատակարգը սահմանվում է սույն Հուշագրի 7-րդ կետով սահմանված կարգով հաստատված աաշխատակարգով:

Հուշագիրը ստորագրեցին՝
 Գործարար շահերը ներկայացնող հասարակական կազմակերպությունների,
 առևտրաարդյունաբերական պալատների ներկայացուցիչներ՝

#	Կազմակերպության Անունը՝	Լիազոր ներկայացուցչի պաշտոնը, անուն ազգանուն, ստորագրություն՝
1	ՀՀ ԱԺ Տնտեսական հարցերի մշտական հանձնաժողով	Նախագահ Բարկեն Թունյան 
2	«ՓՄՁ Համագործակցության Ասոցիացիա» ՀԿ	Փոխնախագահ Հակոբ Ավագյան 
3	«Առաջատար տեխնոլոգիաների ձեռնարկությունների միություն»	Գործադիր տնօրեն Կարեն Վարդանյան 
4	«Երևանի Առևտրաարդյունաբերական պալատ»	Նախագահ Անդրանիկ Ալեքսանյան 
5	«Հայաստանի տրանսպորտային առաքողների միություն»	Նախագահ Եղիշե Հովհաննիսյան 
6	Հայաստանի Գյուղատնտեսական Դաշինք	Համանախագահ Հայկ Մինասյան 
7	Հայկական բիզնես կոալիցիա	Կառավարման խորհրդի նախագահ Գագիկ Պողոսյան 